



Bilten Saveza općina i gradova Federacije Bosne i Hercegovine



Godina: XIX

Datum: 15.07.2022.

Broj: 281

ODRŽANA SVEČANA CEREMONIJA OBILJEŽAVANJA 50 GODINA SAVEZA OPĆINA I GRADOVA FEDERACIJE BOSNE I HERCEGOVINE



Sa svečane ceremonije u Neumu, 14.06.2022. godine

USLUGE SAVEZA:

• PRAVNO SAVJETOVALIŠTE:

Selma Fišek, viši saradnik za pravna pitanja
selma@sogfbih.ba

• FINANSIJSKO SAVJETOVALIŠTE

Halko Basarić, viši saradnik za finansijska
pitanja
halko@sogfbih.ba

KORISNI LINKOVI ZA FONDVE EU:

www.southeast-europe.net
www.adriaticinnovationmap.eu
www.adrioninterreg.eu
www.europa.ba
www.cbibplus.eu
www.cbc.bih-mne.org
www.srb-bih.org
www.interreg-hr-ba-me2014-2020.eu
www.programmemed.eu
<https://tacso.eu/>
<https://evinfo.ba/en/>
www.balkanfund.org
<https://eacea.ec.europa.eu>
www.welcomeurope.com

ADRESA:

Musala br.5/1
71000 Sarajevo
Telefon: +387 33 216 502,
209 024, 209 120
fax: +387 33 552 810, 216 502
savez@sogfbih.ba

U Neumu je, 14. juna 2022. godine održana svečana ceremonija obilježavanja 50 godina postojanja Saveza općina i gradova Federacije Bosne i Hercegovine.

Ceremoniji je prisustvovalo oko 80 učesnika, gradonačelnika i načelnika, predstavnika lokalnih vlasti, državnih i entitetskih vlasti, međunarodnih i domaćih organizacija i ambasada.

Skup je otvorio predsjedavajući Skupštine Saveza općina i gradova Federacije BiH, *Suad Huskić* koji je istakao kako su lokalne zajednice za proteklih 50 godina prošle mnogo toga. „Prošli smo obnovu državnosti, preživjeli rat, obnavljali naše domove i infrastrukturu. Prošli smo kroz tranziciju društvenog uređenja i promjenu ekonomskih odnosa. U svemu onome što je proživljavala Bosna i Hercegovina i njeni građani, iznijeli smo ogroman teret. U institucionalnom smislu, usudio bih se reći i najveći teret. Možda su neki nivoi vlasti u zadnjih 50 godina imali i trošili više novca, ali ja ću reći da su općine i gradovi uradili najviše posla.“

Nadalje, predsjedavajući *Huskić* je istakao kako je Savez mjesto na kojem smo se u proteklom periodu najbolje međusobno razumjeli, mjesto na kojem smo bili podrška jedni drugima. „Savez općina i gradova nas je okupljao i jačao, bio naš glas i podrška.“

Skupu su se obratili entitetski i državni predstavnici, predstavnici ambasada Kraljevine Švedske i Švicarske Konfederacije, Saveza općina i gradova Republike Srpske, Vijeća Evrope, Mreže asocijacija lokalnih i regionalnih vlasti Jugoistočne Evrope, a putem snimljene video poruke skupu su se obratili Visoki predstavnik za Bosnu i Hercegovinu, Rezidentna predstavnik Razvojnog programa Ujedinjenih nacija, Predsjednik Kongresa lokalnih i regionalnih vlasti Vijeća Evrope, Predsjednica Švedskog Saveza općina i gradova i drugi.

Direktorica Saveza, *Vesna Travljanin* u svome obraćanju podsjetila je prisutne kroz kako težak period je prošao Saveza u ovih 50 godina. „I u ratnom periodu Savez je radio i djelovao, istina pod teškim uslovima. U tom periodu inicirali smo prihvatanje Evropske povelje o lokalnoj samoupravi, koju je Bosna i Hercegovina prihvatila 1994. godine.“

Direktorica Travljanin je istakla uspjehe koji stoje iza Saveza, ali naglasila i velike izazove koji stoje ispred, a koji su u značajnoj mjeri sadržani i u Strategiji razvoja Saveza za period 2022. – 2027. koja je usvojena na radnom dijelu Skupštine Saveza koja je prethodila Svečanoj ceremoniji.

Svečana ceremonija je uveličana i dodjelom plakete istaknutim pojedincima i organizacijama koji su dali doprinos u razvoju i unapređenju lokalne samouprave u Bosni i Hercegovini i doprinos u razvoju Saveza općina i gradova Federacije Bosne i Hercegovine. Tom prilikom plakete su dobili akademik Mirko Pejanović, gđa Jasmina Zubić, gđin Slaviša Šućur, Razvojni program Ujedinjenih nacija u Bosni i Hercegovini, Ambasada Kraljevine Švedske u Bosni i Hercegovini, Ambasada Švicarske Konfederacije u Bosni i Hercegovini, Mreža asocijacija lokalnih vlasti jugoistočne Evrope, Savez opština i gradova Republike Srpske, gradonačelnik Jasmin Imamović, gđin Hamdija Jahić, načelnik Hamdo Ejubović, gđin Ivan Vukadin, gđin Predrag Šupljeglav, gđa Mediha Nuhbegović, gđa Zlata Ibrahimpašić, gđa Brankica Bašić, gđin Mario Vignjević, gđin Miroslav Landeka, te posthumno Husejin Smajlović i Ljubo Bešlić.

Na kraju svečane ceremonije upriličeno je potpisivanje Sporazuma Saveza sa Federalnim ministarstvom finansija/financija i Razvojnog bankom Federacije o osnivanju finansijskog mehanizma za podršku jedinicama lokalne samouprave pri apliciranju na EU i ostale fondove. Namjera fonda je da se putem Razvojne banke omogući lokalnim vlastima beskamatna sredstva za finansiranje svih vrsta troškova koji nastaju za predfinansiranje i sufinansiranje odobrenih projekata.



Sa svečane ceremonije u Neumu, 14.06.2022. godine

U OPĆINI NOVI GRAD SARAJEVO ODRŽANA TREĆA SJEDNICA PREDSJEDNIŠTVA SKUPŠTINE SAVEZA OPĆINA I GRADOVA FBiH



Sa sjednice Predsjedništva, 10.05.2022. godine

raspodjele javnih prihoda u Federaciji Bosne i Hercegovine u čijoj izradi učestvuju i predstavnici Saveza.

Predsjedništvo je na ovoj sjednici donijelo odluku da se pokrene apelacija prema Ustavnom sudu Federacije Bosne i Hercegovine vezano za Zakon o računovodstvu i reviziji Federacije Bosne i Hercegovine kojim je nametnuta obaveza, bez konsultacija sa Savezom i jedinicama lokalne samouprave, da lokalne zajednice, ali i druge javne ustanove svake godine vrše eksternu reviziju svog poslovanja.

Predsjedništvu su prezentirani i izvještaji sa sjednica skupštinskih komisija Saveza na kojima je, između ostalog, razmatrano pitanje naknada koje komercijalne banke obračunavaju na prekomjernu likvidnost, te inicijativa za uspostavljanje Mreže internih revizora općina i gradova u Federaciji Bosne i Hercegovine.

Treća sjednica Predsjedništva Skupštine Saveza općina i gradova Federacije Bosne i Hercegovine održana je 10. maja/svibnja 2022. godine u Općini Novi Grad Sarajevo.

Predsjedništvo Saveza je ovom prilikom razmatralo brojna pitanja od značaja za jedinice lokalne samouprave kao što su aktivnosti vezane za izradu metodologije pripadnosti i

Predsjedništvo je donijelo odluku da se pokrene apelacija prema Ustavnom sudu FBiH vezano za Zakon o računovodstvu i reviziji FBiH kojim je nametnuta obaveza da lokalne zajednice, ali i druge javne ustanove svake godine vrše eksternu reviziju svog poslovanja.



S obzirom na činjenicu da Savez općina i gradova Federacije Bosne i Hercegovine ove godine obilježava 50 godina rada, tim povodom će 14.06.2022. godine u Neumu biti održana svečana sjednica na kojoj će biti dodijeljene plakete za kontinuiran doprinos u razvoju i unapređenju lokalne samouprave u Bosni i Hercegovini i plakete za doprinos u razvoju Saveza općina i gradova Federacije Bosne i Hercegovine.

Također je bilo riječi i o različitim projektnim aktivnostima u čijoj provedbi učestvuje Savez, kao što su projekti „Jačanje uloge mjesnih zajednica u BiH“, „Socijalna prava za ranjive grupe“, kao i druga bitna pitanja.

ODRŽANA DRUGA ZAJEDNIČKA SJEDNICA SKUPŠTINSKIH KOMISIJA SAVEZA OPĆINA I GRADOVA FBiH

U Sarajevu je 18.05.2022. godine održana Druga zajednička sjednica skupštinskih komisija Saveza općina i gradova FBiH i to: Komisije za ustavna i zakonodavna pitanja, Komisije za imovinska pitanja, prostorno uređenje, stambeno-komunalne djelatnosti i zaštitu životnog okoliša i Komisije za razvoj i unapređenje lokalne samouprave.

Na sjednici su razmatrani problemi u primjeni Zakona o roditeljima/njegovateljima („Službene novine FBiH“, br. 75/21) gdje su predstavnici jedinica lokalne samouprave ukazali na probleme u primjeni ovog Zakona u pogledu ostvarivanja statusa roditelja/njegovatelja i pripadajućih prava koja proizilaze iz Zakona.

Zaključeno je da se od Federalnog ministarstva rada i socijalne politike, Federalnog ministarstva finansija kao i Porezne uprave FBiH zatraži instrukcija o načinu provođenja ovog Zakona.

Prisutnima je također predstavljena druga faza Projekta općinskog okolišnog upravljanja (MEG) u BiH, kao i Program učinkovitosti rada vodovodnih preduzeća u BiH – Benčmarking.

Sa zajedničke sjednice skupštinskih komisija Saveza, 18.05.2022.

LOKALNE VLASTI JUGOISTOČNE EVROPE DISKUTOVALE O IZAZOVIMA U REFORMI JAVNE UPRAVE I PRUŽANJU VISOKOKVALITETNIH USLUGA

U Beogradu je 12. maja 2022. godine održana XVII Generalna skupština Mreže asocijacija lokalnih vlasti jugoistočne Evrope (NALAS) koja je okupila preko 70 (grado)načelnika iz cijele jugoistočne Evrope. Generalnom skupštinom predsjedavao je potpredsjednik NALAS-a, gđin. Mehmet Ergun Turan, načelnik općine Fatih u Istanbulu. Gđin.



Turan je istakao da su potrebni veliki naponi organa lokalne samouprave i njihovih udruženja da decentraliziraju nadležnosti i fiskalnu moć kako bi poboljšali javne usluge te da upravo krizne situacije pokazuju koliko je važno da naša društva imaju jake lokalne samouprave koje čine naše zajednice otpornim na vanjske šokove.

Na skupu je diskutovano o tome kako poboljšati lokalne usluge, pri čemu su (grado)načelnici kao ključne preduslove istakli digitalizaciju, borbu protiv krize i fiskalnu decentralizaciju. Predstavnici SOGFBiH su prezentirali trenutne izazove lokalne samouprave u FBiH kao i moguća rješenja. Po sistemu rotacije, ulogu novog predsjednika NALAS-a preuzeo je gđin. Goran Cvetanović, gradonačelnik Leskovca.

U sklopu 17. Generalne skupštine NALAS-a održana je i Konferencija o ulozi lokalnih zajednica u pružanju kvalitetnih usluga vodosnabdevanja i kanalizacije, gdje je naglašeno da će NALAS nastaviti aktivnosti podrške asocijacijama u svrhu usklađivanja politike vodosnabdevanja i sanitacije sa potrebama lokalnog stanovništva i zahtjevima koje predviđa pravna tekovina EU.

Na skupu je diskutovano o tome kako poboljšati lokalne usluge, pri čemu su (grado)načelnici kao ključne preduslove istakli digitalizaciju, borbu protiv krize i fiskalnu decentralizaciju. Predstavnici SOGFBiH su prezentirali trenutne izazove lokalne samouprave u FBiH kao i moguća rješenja.

ODRŽANA OBUKA NA TEMU: „INTERGISANO UPRAVLJANJE IMOVINOM U OBLASTI VODOSNABDIJEVANJA, ODVODNJE I PREČIŠĆAVANJA OTPADNIH VODA“

Savez općina i gradova Federacije Bosne i Hercegovine (SOGFBiH) i Udruženje/Udruga preduzeća/poduzeća komunalne privrede/gospodarstva u Federaciji Bosne i Hercegovine (UPKP u FBiH) u sklopu Projekta „Regionalna mreža za razvoj kapaciteta za usluge vodosnabdijevanja i otpadnih voda na Zapadnom Balkanu“ (RCDN) u ponedjeljak i utorak, 16. i 17. maja 2022. godine u Zenici, održali su obuku na temu: „Intergisano upravljanje imovinom (IAM)“.

Učešće u obuci su uzeli uposlenici općinske/gradske administracije i komunalnih preduzeća iz sljedećih jedinica lokalne samouprave: Zenica, Travnik, Vitez, Ilijaš i Busovača.

Ova dvodnevna obuka imala je za cilj:

- Da učesnici razumiju koncept upravljanja imovinom (IAM) i njegovu važnost, ciljeve i koristi, i prepoznaju kako mogu primijeniti principe upravljanja imovinom u svom poslu;
- Da se učesnici upoznati sa pravnim i institucionalnim okvirom IAM i razumiju svoje uloge i odgovornosti u ovoj oblasti;
- Da se učesnici upoznaju o registru imovine, kritičnosti i cjeloživotnoj vrijednosti imovine vodnih usluga i prošire svoje znanje o procesu revalorizacije i strategiji finansiranja IAM;
- Da se učesnici upoznaju sa procedurama IAM na nivou JLS;
- Da učesnici iz JLS i JKP zajednički razvijaju svoje kompetencije i na taj način osiguraju saradnički pristup pružanju vodnih usluga na lokalnom nivou.

Obuku su vodili Amra Hamzić, šef Odsjeka za internu reviziju Grada Tuzla i Amer Halilović, direktor JKP "Radnik" d.o.o. Zavidovići.

Teme koje je obuka obuhvatila su opći i pravni aspekt aspekti za IAM, institucionalni i tehnički aspekt za IAM i finansiranje vodnih usluga.

Projekat u okviru kojeg se održava obuka usmjeren je ka povećanju efektivnosti i efikasnosti javnih komunalnih preduzeća iz oblasti vodosnabdijevanja na Zapadnom Balkanu, dajući doprinos boljem pružanju usluga s ciljem povećanja broja stanovništva koje ima pristup uslugama pitke vode i odvodnje, te da bi se zadovoljila pravna stečevina EU (Acquis Communautaire) za okoliš.

Projekat zajednički finansiraju Švajcarski državni sekretarijat za ekonomske poslove (SECO) i Savezno ministarstvo za ekonomsku saradnju i razvoj Njemačke (BMZ), a realizira se kroz GIZ projekat "Otvoreni regionalni fond za jugoistočnu Evropu - modernizacija općinskih usluga" (ORF MMS)".



Sa obuke održane u Zenici, 16-17.05.2022



PODRŠKA RADU UDRUŽENJA "COLIBRI"

U sklopu projekta „Jačanje lokalnih kapaciteta za implementaciju Agende 2030 i principa Nikoga ne zapostaviti“, Općina Centar Sarajevo je u saradnji sa Savezom općina i gradova Federacije BiH u srijedu, 08. juna 2022. godine uručila vrijednu donaciju Centru za podršku porodicama sa djecom i osobama sa poteškoćama u razvoju čiji je implementator Udruženje "Colibri". Općina Centar kontinuirano podržava rad ovog Udruženja u cilju podrške osobama sa poteškoćama u razvoju i njihovim porodicama.

Ovom prilikom Udruženju i Centru su dodijeljeni tableti, laptopi, zaštitna oprema (maske, dezinfekcijska sredstva) te edukativne i društvene igre.

Projekat se provodi uz podršku NALAS-a, Mreže asocijacija lokalnih vlasti Jugoistočne Evrope i GIZ-a, Njemačkog društva za međunarodnu saradnju. Cilj projekta je pružanje podrške i pomoći najugroženijim grupama stanovništva u FBiH.



Sa uručjenja donacije udruženju "Colibri"

U SARAJEVU ODRŽANA 4. KONFERENCIJA MREŽA KOORDINATORA/ICA ZA POSLOVE MJESNIH ZAJEDNICA SOGFBih I SOGRS



U Sarajevu je, 24.05.2022. godine održana 4. konferencija Mreža koordinatora iz jedinica lokalne samouprave za poslove mjesnih zajednica koju su zajednički organizovali Savez općina i gradova FBiH i Savez opština i gradova RS. Tema ove konferencije je bila upravljanje imovinom JLS/MZ u mjesnim zajednicama.

Ovom prilikom su prezentirane aktivnosti saveza općina/opština i gradova FBiH i RS u okviru druge faze projekta "Jačanje uloge mjesnih zajednica u BiH" kojeg finansiraju Vlada Švicarske i

Švedska, a provodi UNDP.

Učesnicima konferencije je prezentiran okvirni Program rada Mreža koordinatora za poslove sa mjesnim zajednicama za 2022. godinu sa indikativnim planom za naredne godine.

U okviru tematskog dijela, učesnici su se upoznali sa pozitivnim praksama Grada Banja Luke i Općine Ilidža, kao i sa praksama iz općina koje se susreću sa izazovima u oblasti upravljanja imovinom JLS/MZ u mjesnim zajednicama kao što su Bosansko Grahovo i Brod.

Generalni stav učesnika je da upravljanje imovinom u jedinicama lokalne samouprave, odnosno mjesnim zajednicama predstavlja veoma značajno pitanje koje zahtijeva donošenje odgovarajućih propisa kojima bi se pobliže uredila ova oblast.

JAVNI POZIV ZA PODNOŠENJE PRIJAVA ZA REALIZACIJU PROJEKATA MALOG OBIMA (PILOT PROJEKATA) IZ OBLASTI ENERGETIKE, SAOBRAĆAJA I KLIME

EU4 Energy Transition (EU za energetske tranzicije): Sporazum gradonačelnika na Zapadnom Balkanu i Turskoj je projekat sa više donatora koji zajednički finansiraju Evropska unija i njemačko Savezno ministarstvo za privrednu saradnju i razvoj.

U kontekstu projekta jedna od ključnih aktivnosti je implementacija pilot-projekata u oblasti energije, zaštite klime i saobraćaja u općinama na Zapadnom Balkanu. Ovi pilot-projekti trebaju donijeti inovacije i nove pristupe na lokalnom nivou.

U skladu sa navedenim, pozivaju se općine/gradovi da popune prijavi obrazac i podnesu svoje prijedloge za dobijanje podrške u implementaciji svojih projekata u okviru vremenskog perioda 2022-2023. Prijavne obrasce potrebno je ispuniti, pečatirati i poslati na e-mail: amir@sogfbih.ba najkasnije do 09.08.2022. godine do 12.00h.

Najčešća pitanja i odgovore, kao i prijavu na poziv možete naći na liku: <https://bit.ly/3z4wz7H>. Sva dodatna pitanja u vezi sa prijavom i pozivom za pilot projekte podnosioci prijava mogu slati na sljedeću e-mail adresu: amir@sogfbih.ba, zaključno sa 12.07.2022. do 12.00h. Pitanja poslata nakon tog datuma ili nekim drugim putem neće biti razmatrana.



NAJAVA OBILJEŽAVANJA DANA OPĆINA / GRADOVA ZA MJESEC AVGUST/ KOLOVOZ I SEPTEMBAR / RUJAN

06. avgust/kolovoz - Dan Grada Cazin, te predstavlja i sjećanje na dan kada je deblokiran Cazin, ali i područje Unsko-sanskog kantona u proteklom ratu.

15. avgust/kolovoz - Dan Grada Široki Brijeg. Naime, ovaj datum se obilježava kao blagdan Velike Gospe.

15. avgust/kolovoz - Dan Općine Posušje. Ovaj datum je značajan za Posušje jer se na taj dan obilježava Velika Gospa.

15. avgust/kolovoz - Dan Općine Kreševo.

16. avgust/kolovoz - Dan Općine Busovača. Pod svojim sadašnjim imenom Busovača se u pisanim dokumentima prvi put spominje 16.08.1371. godine kada je izvjesni Gojko Čepić iz Busovače prodao Johanu Rombaldu Bonu 30 miliarija gvožđa. Navedeni datum je upisan na grbu Busovače i obilježava se kao Dan Općine.

16. avgust/kolovoz - Dan Općine Vareš potpaljivanje prve visoke peći u Varešu.

19. avgust/ kolovoz - Dan Općine Bosansko Grahovo - preobraženje Gospodnje.



20. avgust/kolovoz - Dan Općine Olovo. Na ovaj datum je ukopan prvi ŠEHID u „Šehidskom mezarju“ u Solunu (naselje u blizini Olova).



29. avgust/kolovoz - Dan Grada Visoko. Ovaj datum se veže za izdavanje Povelje Kulina Bana 29.08.1189. godine.



31. avgust/kolovoz - Dan Općine Neum. Ovaj datum se veže za Gospu od zdravlja.



08. septembar/rujan - Dan Općine Ravno i blagdan Male Gospe, zaštitnice župe.



08. septembar/rujan - Dan Općine Prozor-Rama i blagdan Male Gospe.



10. septembar/rujan - Dan Općine Banovići. Na ovaj dan 1995. godine oslobođena je cjelokupna teritorija općine Banovići.



14. septembar/rujan - Dan Općine Donji Vakuf. Tog dana 1995. godine oslobođen je Donji Vakuf.



15. septembar/rujan - Dan Grada Zavidovići. Ovaj datum proglašen je za Dan Općine Zavidovići zato što je u periodu od 10. do 15. septembra 1995. godine izvršeno oslobađanje cjelokupne teritorije Općine Zavidovići (područja Vozuća 10. septembra 1995. godine i Blizna 15. septembra 1995. godine).



15. septembar/rujan - Dan Općine Ključ. Taj dan se obilježava i kao Dan oslobođenja jer su na taj dan 1995. godine jedinice Armije BiH oslobodile Ključ.



17. septembar/rujan - Dan Općine Bosanska Krupa. Na ovaj dan izvršeno je konačno oslobađanje Bosanske Krupe 1995. godine.



18. septembar/rujan - Dan Grada Lukavac. Značaj ovog datuma je u činjenici da je 1995. godine oslobođena cijela teritorija Lukavca.



18. septembar/rujan - Dan Grada Goražde. Ovaj datum podsjeća na 18.10.1992. godine, kada su jedinice Armije BiH prvi put oslobodile Goražde od neposrednog okruženja neprijatelja i zlatnim je slovima upisan u historiju Goražda. Ovaj dan se obilježava i kao Dan BPK-a Goražde.



18. septembar/rujan - Dan Općine Maglaj. Toga dana 1408. godine u Povelji ugarskog Kralja Sigismunda „Sub Castro Nostro Maglay“ – „Pod našom tvrđavom Maglaj“ prvi put se u pisanim tragovima spominje ime grada Maglaja.



18. septembar/rujan - Dan Općine Kupres. Spomen na dan kada se prvi put spominje Kupres.



27. septembar/rujan - Dan Općine Pale FBiH. Tog dana 1992. godine oslobođena je Hrenovica, najveća mjesna zajednica na prostoru Općine Pale i oformljeni prvi upravni organi Općine. Taj dan se obilježava i kao Dan otpora.



28. septembar/rujan - Dan Grada Livno. Najstariji pisani dokument u kojem se spominje Livno je Povelja kneza Mutimira od 28.09.892. godine kojom se Crkva sv. Jurja daruje splitskom nadbiskupu Petru II, u kojoj se među potpisnicima u listi svjedoka na drugom mjestu nalazi i livanjski župan Želimir. Ovaj datum se danas obilježava kao Dan Grada Livno.



Gledajte Savez općina i gradova
Federacije Bosne i Hercegovine na



facebook
Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način pružamo informacije o održanim sjednicama organa i tijela Saveza, konferencijama, seminarima, radionicama, okruglim stolovima, javnim raspravama, projektnim aktivnostima i sl.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba; ili putem popunjavanja forme na našoj web stranici.

Molimo vas da informacije o našem biltenu prosljedite svima u vašoj i susjednim JLS i drugim zainteresiranim.

Ukoliko želite da objavite neke od vaših novosti, iskoristite bilten Saveza koji je brz i efikasan način komuniciranja.

Sa zadovoljstvom očekujemo vaše komentare, sugestije ili primjedbe.